

de Istevene Demelas

---

Cando serena falat sa fiocca,

in sos primos tres meses de s'annada,

in nottes d'entu e de temporada,

sos sonazzos s'intenden zocca zocca.

Su teraccheddu si alzat sa brocca

de abba frisca e dad'intasada.

Pensat: "Est notte 'e craba inconcheddada"

E s'affianzat coment'e una jocca.



Fin popolados fina sos barraccos;

como de cussa zente pius non ch'hada

de abitare in cussas dimoras.

Non b'hat pius padronos ne teraccos

In sa campagna nuda e desolada,

regnu 'e ziligugos e coloras.

*Poesias de Istevene Demalas*, ed. Grafiche EsseGi s.r.l., Perfugas 2012, pag. 22